

## III.

Ovo rješenje stupa na snagu narednog dana od dana objavljivanja u "Službenim novinama Federacije BiH".

V. broj 755/2019  
27. juna/lipnja 2019. godine  
Sarajevo

Premijer  
Fadil Novalić, s. r.

## FEDERALNO MINISTARSTVO RADA I SOCIJALNE POLITIKE

## 891

Na osnovu člana 51. Zakona o penzijskom i invalidskom osiguranju ("Službene novine Federacije BiH", broj 13/18), Federalno ministarstvo rada i socijalne politike donosi

### PRAVILNIK O LISTI PROFESIONALNIH BOLESTI

## Član 1.

Ovim pravilnikom utvrđuju se bolesti koje se prema članu 50. Zakona o penzijskom i invalidskom osiguranju Federacije BiH smatraju profesionalnim, uslovi pod kojima se te bolesti smatraju profesionalnim, kao i poslovi na kojima se te bolesti pojavljuju.

## Član 2.

- Profesionalne bolesti su određene bolesti nastale u toku osiguranja, prouzrokovane dužim neposrednim djelovanjem štetnosti prisutnim u procesu rada ili radnoj sredini, odnosno poslovima koje je radnik/osiguranik obavljao, kao i bolesti za koje je poznato da mogu biti posljedica djelovanja štetnosti koje su u vezi sa procesom rada i/ili radnom sredinom, a intenzitet štetnosti i dužina trajanja izloženosti toj štetnosti je na nivou za koji je poznato da uzrokuje oštećenje zdravlja.
- Poslovi na kojima se javljaju profesionalne bolesti smatraju se poslovi gdje su radnici izloženi hemijskim, fizičkim i biološkim profesionalnim štetnostima i naprezanjima

navedenim u Listi profesionalnih bolesti, koja je sastavni dio ovog pravilnika.

## Član 3.

- Profesionalne bolesti iz člana (2) ovog pravilnika dokazuju se u ustanovama medicine rada na osnovu poznatih i prihvaćenih programa obrade (algoritma), a dijagnostički postupak obuhvata:
  - radnu anamnezu i dokazivanje povezanosti bolesti i izloženosti na radnom mjestu,
  - kliničku sliku sa pojavom oštećenja funkcije i/ili morfologije organa ili organskih sistema za koje je poznato da je određena štetnost iz radne sredine može uzrokovati,
  - pozitivne nalaze dijagnostičkih metoda i postupaka koji mogu objektivizirati to oštećenje.
- Prisutnost štetnosti iz stava (1) tačka a) ovog člana utvrđuje se:
  - procjenom opasnosti/rizika ili na drugi način koji omogućava da se sa sigurnošću utvrdi prisutnost štetnosti,
  - određivanjem intenziteta (mjerenjem, neposrednim uvidom u uslove rada ili na drugi način koji omogućava da se sa sigurnošću utvrdi intenzitet štetnosti) i trajanja izloženosti toj štetnosti.
- Profesionalne bolesti šifriraju se sa dvije šifre, prema Međunarodnoj klasifikaciji bolesti, povreda i uzroka smrti i prema Listi profesionalnih bolesti.
- Lista profesionalnih bolesti biće inovirana svakih pet godina.

## Član 4.

Profesionalnim bolestima smatraju se bolesti utvrđene u Listi profesionalnih bolesti.

## Član 5.

Ovaj pravilnik stupa na snagu osmog dana od dana objave u "Službenim novinama Federacije BiH".

### LISTA PROFESIONALNIH BOLESTI

I. BOLESTI UZROKOVANE DJELOVANJEM HEMIJSKIH MATERIJIA			
Redni broj	Profesionalne bolesti	Poslovi na kojima se bolesti pojavljuju	Uslovi za utvrđivanje bolesti kao profesionalne
1.	Bolesti uzrokovane olovom i njegovim jedinjenjima	Poslovi i radna mjesta na kojima postoji izloženost olovu ili njegovim jedinjenjima.	Pozitivna radna anamneza, izražena klinička slika trovanja ili specifična oštećenja krvi i krvotvornih organa, perifernog ili centralnog nervnog sistema, oštećenja bubrega, te pozitivni laboratorijski nalazi
2.	Bolesti uzrokovane živom i njenim jedinjenjima	Poslovi i radna mjesta na kojima postoji izloženost živi ili njenim jedinjenjima.	Pozitivna radna anamneza, klinička slika trovanja sa specifičnim oštećenjima nervnog sistema i bubrega ili najmanje tri od ostalih organa ili organskih sistema: jetra, srce, probavni ili respiratorni sistem.
3.	Bolesti uzrokovane arsenom i njegovim jedinjenjima	Poslovi i radna mjesta na kojima postoji izloženost arsenu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima nervnog sistema i bubrega ili najmanje tri od ostalih organa ili organskih sistema: jetra, srce, probavni ili respiratorni sistem.
4.	Bolesti uzrokovane fosforom i njegovim jedinjenjima	Poslovi i radna mjesta na kojima postoji izloženost fosforu i njegovim jedinjenjima.	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: kosti, jetra, bubrezi, nervni sistem, krv i krvotvorni organi i srce.
5.	Bolesti uzrokovane manganom i njegovim jedinjenjima	Poslovi i radna mjesta na kojima postoji izloženost manganu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima nervnog sistema ili dva od sljedećih organa ili organskih sistema: jetra, bubrezi, krv i krvotvorni organi, respiratorni sistem.
6.	Bolesti uzrokovane hromom i njegovim jedinjenjima	Poslovi i radna mjesta na kojima postoji izloženost hromu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: pluća, koža i sluznice.
7.	Bolesti uzrokovane niklom i njegovim jedinjenjima	Poslovi i radna mjesta na kojima postoji izloženost niklu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: gornji i donji dišni putevi, pluća, koža, bubrezi i srce; pozitivni rezultati epikutanih testiranja; u slučaju malignih promjena pozitivan PH nalaz.
8.	Bolesti uzrokovane berilijem i njegovim jedinjenjima	Poslovi i radna mjesta na kojima postoji izloženost berilijumu ili njegovim jedinjenjima.	Pozitivna radna anamneza, klinička slika trovanja sa specifičnim promjenama na plućima (hemijska pneumonija) i pozitivan nalaz radiografije pluća.
9.	Bolesti uzrokovane kadmijem i njegovim jedinjenjima	Poslovi i radna mjesta na kojima postoji izloženost kadmiju ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima bubrega ili kostiju ili dva od sljedećih organa ili organskih sistema: respiratorni sistem, bubrezi, krv i krvotvorni organi.
10.	Bolesti uzrokovane selenom i njegovim jedinjenjima	Poslovi i radna mjesta na kojima postoji izloženost selenu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: jetra, bubrezi, centralni nervni sistem, respiratorni sistem.
11.	Bolesti uzrokovane vanadijem i njegovim jedinjenjima	Poslovi i radna mjesta na kojima postoji izloženost vanadijumu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: pluća, centralni nervni sistem, periferni nervni sistem, srce, krvni sudovi, koža i sluznice.
12.	Bolesti uzrokovane cinkom i njegovim jedinjenjima	Poslovi i radna mjesta na kojima postoji izloženost cinku ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: respiratorni sistem, koža i sluznice, jetra, bubrezi, probavni sistem.

13.	<b>Bolesti uzrokovane bakrom i njegovim jedinjenjima</b>	Poslovi i radna mjesta na kojima postoji izloženost bakru ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: jetra, bubrezi, centralni nervni sistem, probavni sistem, organ vida, krv, psihički poremećaji.
14.	<b>Bolesti uzrokovane aluminijem i njegovim jedinjenjima</b>	Poslovi i radna mjesta na kojima postoji izloženost aluminijumu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: pluća, centralni nervni sistem, periferni nervni sistem, kosti, bubrezi, srce.
15.	<b>Bolesti uzrokovane kobaltom i njegovim jedinjenjima</b>	Poslovi i radna mjesta na kojima postoji izloženost kobaltu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: respiratorni sistem, srce, bubrezi, štita žlijezda.
16.	<b>Bolesti uzrokovane kalajem i njegovim jedinjenjima</b>	Poslovi i radna mjesta na kojima postoji izloženost kalaju ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: respiratorni sistem, centralni nervni sistem, bubrezi, jetra, žučni putevi.
17.	<b>Bolesti uzrokovane antimonom i njegovim jedinjenjima</b>	Poslovi i radna mjesta na kojima postoji izloženost antimonu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima tri organa ili organska sistema: respiratorni sistem, probavni sistem, srce, koža i sluznice.
18.	<b>Bolesti uzrokovane talijem i njegovim jedinjenjima</b>	Poslovi i radna mjesta na kojima postoji izloženost talijumu ili njegovim jedinjenjima.	Pozitivna radna anamneza, klinička slika trovanja sa specifičnim oštećenjima organa ili organska sistema: centralni nervni sistem, periferni nervni sistem, probavni sistem, koža.
19.	<b>Bolesti uzrokovane halogenima i njihovim jedinjenjima</b>	Poslovi i radna mjesta na kojima postoji izloženost halogenima i njegovim jedinjenjima (fluor, hlor, brom, jod).	Pozitivna radna anamneza, klinička slika trovanja sa specifičnim oštećenjima kože, iritativni efekti na koži; pozitivni laboratorijski nalazi.
20.	<b>Bolesti uzrokovane inertnim i hemijskim zagađivačima</b>	Poslovi i radna mjesta na kojima postoji izloženost inertnim zagađivačima (ugljen dioksid, metan, etan, azot) i hemijskim zagađivačima (ugljen monoksid, sumporovodnik, cijanovodnik).	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: centralni nervni sistem, respiratorni sistem, srce i krvni sudovi, krv i krvotvorni organi, neurološka i intelektualna oštećenja.
21.	<b>Bolesti uzrokovane nadražljivcima</b>	Poslovi i radna mjesta na kojima postoji izloženost nadražljivcima ili njegovim toksičnim jedinjenjima (amonijak, sumpordioksid, hlor, fluorovodnik, azotni oksidi-azotni oksid, azotni oksidul, azotdioksid, anhidrid azotne i azotaste kiseline- i fosgen i ozon).	Pozitivna radna anamneza, klinička slika trovanja sa specifičnim oštećenjima ili iritacijom sluznice nosa, očiju i respiratornog sistema; u slučaju azotnih oksida pozitivan nalaz radiografije pluća (alveolarna zasjenjenja).
22.	<b>Bolesti uzrokovane alifatičnim ugljovodonicima i njihovim jedinjenjima</b>	Poslovi i radna mjesta na kojima postoji izloženost alifatičnim ugljovodonicima (benzin, nafta, kerozin, parafini).	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: krv i krvotvorni organi, jetra, bubrezi, respiratorni sistem, nervni sistem, koža i sluznice.
23.	<b>Bolesti uzrokovane benzenom, njegovim homolozima i derivatima ili drugim cikličkim spojevima</b>	Poslovi i radna mjesta na kojima postoji izloženost benzenu, njegovim homolozima i derivatima ili drugim cikličkim spojevima (metil-benzen, dimetil-benzen, etil-benzen, propil-benzen, fenil-benzen).	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: krv i krvotvorni organi, jetra, bubrezi i nervni sistem.
24.	<b>Bolesti uzrokovane halogenim derivatima ugljovodnika</b>	Poslovi i radna mjesta na kojima postoji izloženost halogenim derivatima ugljovodnika (dihlormetan, trihlormetan- <i>hloroform</i> , tetrahlormetan, trihloretan, vinilhlorid- <i>izomer 1,1,2 trihloretana</i> , tetrahloretan, trihloretilen, tetrahloretilen i dr.).	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: krv i krvotvorni organi, jetra, bubrezi, centralni nervni sistem i koža; za vinilhlorid i akroosteoliza.
25.	<b>Bolesti uzrokovane alkoholima, esterima, eterima, glikolima, aldehidima i ketonima</b>	Poslovi i radna mjesta na kojima postoji izloženost alkoholima, esterima, eterima, glikolima, aldehidima i ketonima.	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: krv i krvotvorni organi, jetra, bubrezi, centralni nervni sistem.
26.	<b>Bolesti uzrokovane amino i nitro derivatima ugljovodnika</b>	Poslovi i radna mjesta na kojima postoji izloženost amino i nitro derivatima ugljovodnika (anilin, toluidin, ksilidin, naftilamin, nitroanilin, difenilamin, dinitrobenzen i dr.).	Pozitivna radna anamneza, klinička slika trovanja sa specifičnim oštećenjima dva od sljedećih organa ili organskih sistema: krv i krvotvorni organi, jetra, bubrezi, centralni nervni sistem, koža.
27.	<b>Bolesti uzrokovane pesticidima koji nisu obuhvaćeni pod drugim tačkama (antiholinesterazni spojevi i hlorirani ugljovodnici)</b>	Poslovi i radna mjesta na kojima postoji izloženost pesticidima i njihovim toksičnim jedinjenjima.	Pozitivna radna anamneza, klinička slika trovanja sa specifičnim oštećenjima centralnog nervnog sistema, probavnog sistema, respiratornog sistema, organa vida, krvi i krvotvornih organa.
28.	<b>Bolesti uzrokovane ugljen disulfidom</b>	Poslovi i radna mjesta na kojima postoji izloženost ugljen disulfidu i njihovim toksičnim jedinjenjima.	Pozitivna radna anamneza, klinička slika trovanja sa specifičnim oštećenjima dva od organa ili organskih sistema: organ vida, centralni nervni sistem, periferni nervni sistem (neurološki i psihički poremećaji).
<b>2. BOLESTI UZROKOVANE DJELOVANJEM FIZIČKIH FAKTORA</b>			
29.	<b>Bolesti izazvane jonizujućim zračenjem</b>	Poslovi i radna mjesta na kojima postoji ekspozicija otvorenim i zatvorenim izvorima jonizujućeg zračenja (Dokaz o trajanju ekspozicije najmanje pet godina-ličnom biodozimetrijom).	Pozitivna radna anamneza, klinička slika sa morfološkim i funkcionalnim promjenama u krvi i krvotvornim organima ili koži (ulcerozni radiodermitis) ili očnog sočiva (katarakta) ili hipotireoza izazvana radioaktivnim jodom. (Dokaz dozimetrije i radiotoksikološki nalazi).
30.	<b>Bolesti izazvane nejonizujućim zračenjem</b>	Poslovi i radna mjesta na kojima postoji ekspozicija izvorima nejonizujućeg zračenja (Dokaz o trajanju ekspozicije najmanje pet godina).	Pozitivna radna anamneza, morfološke i funkcionalne promjene na organu vida (katarakta).
31.	<b>Bolesti izazvane povećanim ili smanjenim atmosferskim pritiskom</b>	Poslovi i radna mjesta kesonaca, ronilaca i letačkog osoblja.	Pozitivna radna anamneza, ponavljana zračna embolija pluća, oštećenja centralnog nervnog sistema ili srčanog mišića ili koštanog sistema.
32.	<b>Oštećenja sluha izazvana bukom</b>	Poslovi i radna mjesta pri kojima nivo buke prelazi N-85 krivulju frekventne analize buke.	Pozitivna radna anamneza, obostrano perceptivno oštećenje sluha preko 30% po Fowler-u, rezultati periodičnih pregleda koji ukazuju na progresiju oštećenja sluha tokom rada u buci.
33.	<b>Bolesti izazvane vibracijama koje se prenose na ruke ili na cijelo tijelo</b>	Poslovi na kojima postoji izloženost vibracijama, rad sa aparatima, mašinama i vozilima koji proizvode lokalne i opće vibracije.	Pozitivna radna anamneza, izražena klinička slika sa oštećenjima mišića, tetiva, kostiju, zglobova, kičme, perifernih nerava i perifernih krvnih sudova.
34.	<b>Hronične periartritične promjene (tendovaginitis, epikondilitis, burzitis, sindrom karpalnog tunela)</b>	Poslovi uz prisutnost ponavljanih pokreta, stalnog pritiska, nefiziološkog položaja i mikrotrauma.	Pozitivna radna anamneza, izražena klinička slika zapaljenskih periartritičnih promjena lakta, ramena, šake, prepatelarne burze sa umanjenoj funkcije zahvaćenog zgloba, odnosno klinička slika sa morfološkim znacima hronične kompresije i funkcionalnim ispadima za sindrom karpalnog tunela.
35.	<b>Paraliza perifernih nerava uzrokovana kumulativnom traumom</b>	Poslovi uz prisutnost ponavljanih pokreta, stalnog pritiska, nefiziološkog položaja i mikrotrauma.	Pozitivna radna anamneza, izražena klinička slika oštećenja perifernog nerva (EMNG nalaz).

36.	Oštećenja meniskusa koljena usljed dugotrajnog opterećenja u nefiziološkom položaju	Poslovi vezani za dugotrajno klečanje ili stalne rotacije natkoljenice prema potkoljenici (80% radnog vremena).	Pozitivna radna anamneza, izražena klinička slika sa morfološkim lezijama meniskusa i funkcionalnim promjenama koljenog zgloba, CT ili MR nalaz koljena.
<b>3. BOLESTI UZROKOVANE BIOLOŠKIM FAKTORIMA</b>			
37.	Tropske bolesti izazvane virusima, bakterijama i parazitima	Poslovi vezani za rad i boravak u tropskim uslovima.	Pozitivna radna anamneza, izražena klinička slika tropske bolesti (dokaz o kontaktu sa biološkim agensom ili parazitom), pozitivni serološki testovi.
38.	Antropozoonoze (antraks, maleus, bruceloza, salmoneloza, infektivna hemoragična žutica)	Poslovi i radna mjesta na kojima je ostvaren kontakt sa zaraženim životinjama i drugim zaraženim materijama.	Pozitivna radna anamneza, klinička slika antropozoonoze, dokaz o kontaktu sa biološkim agensom i prostornoj i vremenskoj povezanosti sa pojavom bolesti.
39.	Virusni hepatitis	Poslovi i radna mjesta na kojima je ostvaren parenteralni kontakt sa uzročnikom bolesti.	Pozitivna radna anamneza, klinička slika hepatitisa, pozitivni laboratorijski nalazi, dokaz o kontaktu sa biološkim agensom i prostornoj i vremenskoj povezanosti sa pojavom bolesti.
40.	Parenteralna infekcija izazvana virusom HIV-a	Poslovi i radna mjesta na kojima je ostvaren parenteralni kontakt sa uzročnikom bolesti.	Pozitivna radna anamneza, klinička slika HIV oboljenja, dokaz o parenteralnoj infekciji sa biološkim agensom i vremenskoj i prostornoj povezanosti sa pojavom bolesti.
41.	Tuberkuloza	Poslovi i radna mjesta na kojima je ostvaren kontakt sa bacilom tuberkuloze.	Pozitivna radna anamneza, klinička slika tuberkuloze prouzrokovane bacilom tuberkuloze rezistentnim na antituberkulozne lijekove.
<b>4. BOLESTI RESPIRATORNIH ORGANA</b>			
42.	Silikoza pluća	Poslovi i radna mjesta na kojima postoji izloženost prašini slobodnog silicijum-dioksida.	Pozitivna radna anamneza, izražene radiografske promjene na plućima, poremećaj plućne ventilacije najmanje srednjeg stepena ili veći.
43.	Silikotuberkuloza	Poslovi i radna mjesta na kojima postoji izloženost prašini slobodnog silicijum-dioksida.	Pozitivna radna anamneza, izražene radiografske promjene na plućima, poremećaj plućne ventilacije, kao i znaci aktivne tuberkuloze pluća.
44.	Azbestoza pluća	Poslovi i radna mjesta na kojima postoji izloženost azbestnim vlaknima.	Pozitivna radna anamneza, klinički nalaz sa izraženim radiografskim promjenama na plućima, poremećaj plućne ventilacije najmanje srednjeg stepena ili veći.
45.	Pneumokonioza rudara ugljenokopa	Poslovi i radna mjesta u rudnicima sa podzemnom eksploatacijom.	Pozitivna radna anamneza, klinički nalaz sa izraženim radiografskim promjenama na plućima, poremećaj plućne ventilacije najmanje srednjeg stepena ili veći.
46.	Pneumokonioza uzrokovana tvrdim metalom	Poslovi proizvodnje i prerade tvrdog metala.	Pozitivna radna anamneza, klinički nalaz sa izraženim radiografskim promjenama na plućima, poremećaj plućne ventilacije najmanje srednjeg stepena ili veći.
47.	Bisinoza pluća	Poslovi i radna mjesta gdje postoji izloženost prašini pamuka, lana i konoplje, posebno u početnim fazama prerade.	Pozitivna radna anamneza, klinički nalaz sa izraženim radiografskim promjenama na plućima, poremećaj plućne ventilacije najmanje srednjeg stepena ili veći (redukcija FEV-a).
48.	Bronhijalna astma	Poslovi i radna mjesta na kojima postoji izloženost materijama koje izazivaju alergijsko ili iritativno djelovanje na dišne puteve.	Pozitivna radna anamneza, klinička slika astme sa verifikacijom napada u toku rada, pozitivni nespecifični i specifični bronhoprovokativni testovi, pozitivni alergijski testovi na specifične alergene radnog mjesta. U slučaju kad je bronhoprovokativni test kontraindiciran, pozitivni imunološki testovi.
49.	Alergijski bronhoalveolitis	Poslovi i radna mjesta na kojima postoji izloženost prašini koja sadrži spore gljivica proteinske čestice vegetativnog ili animalnog porijekla, koje imaju senzibilizirajuće djelovanje.	Pozitivna radna anamneza, klinička slika sa specifičnim radiografskim promjenama na plućima, poremećaj plućne ventilacije srednjeg stepena, pozitivne akutane probe na alergene radnog mjesta i specifične imunološke promjene.
<b>5. BOLESTI KOŽE</b>			
50.	Kontaktni dermatitis	Poslovi uz trajni ili povremeni kontakt sa alergenima ili nadražljivcima kože.	Pozitivna radna anamneza, izražena klinička slika hroničnog ili recidivirajućeg dermatitisa, pozitivni kožni testovi koji potvrđuju kontakt sa alergenom ili toksičnom materijom.
<b>6. MALIGNNE BOLESTI</b>			
51.	Maligne bolesti	Poslovi i radna mjesta gdje se ostvaruje kontakt sa kancerogenim materijama iz Liste sigurno dokazanih karcinogena (Grupa 1 karcinogena) Međunarodne agencije za istraživanje raka-IARC (azbest, benzin i njegove soli, bishlor, spojevi hroma VI, čađ, kameni ugalj ili ugalj, beta-naftil amin, vinil-hlorid, benzen, toksični nitro i amino derivati benzena i/ili njegovih homologa, jonizujuće zračenje, katran, bitumen, mineralno ulje, antracen i jedinjenja, niki i jedinjenja, drvena prašina, arsen i njegova jedinjenja, berilij i njegova jedinjenja, kadmij i njegova jedinjenja, mineralna vlakna, etilen-oksidi, virus hepatitisa B (HBV) i virus hepatitisa C (HCV) kao i druge hemijske materije sa liste IARC.	Klinička slika malignog oboljenja prouzrokovana jonizujućim zračenjem ili ultravioletnim zracima ili hemijskim karcinogenima sa IARC liste sigurno dokazanih karcinogena.

Broj 04-35/16-1461/19  
14. juna 2019. godine  
Sarajevo

Ministar  
**Vesko Drljača**

Na temelju članka 51. Zakona o mirovinskom i invalidskom osiguranju ("Službene novine Federacije BiH", broj 13/18), Federalno ministarstvo rada i socijalne politike donosi

## PRAVILNIK O LISTI PROFESIONALNIH BOLESTI

### Članak 1.

Ovim pravilnikom utvrđuju se bolesti koje se prema članku 50. Zakona o mirovinskom i invalidskom osiguranju Federacije BiH smatraju profesionalnim, uslovi pod kojima se te bolesti

smatraju profesionalnim, kao i poslovi na kojima se te bolesti pojavljuju.

### Članak 2.

- (1) Profesionalne bolesti su određene bolesti nastale u toku osiguranja, prouzrokovane dužim neposrednim djelovanjem štetnosti prisutnim u procesu rada ili radnoj sredini, odnosno poslovima koje je radnik/osiguranik obavljao, kao i bolesti za koje je poznato da mogu biti posljedica djelovanja štetnosti koje su u vezi sa procesom rada i/ili radnom sredinom, a intenzitet štetnosti i dužina trajanja izloženosti toj štetnosti je na nivou za koji je poznato da uzrokuje oštećenje zdravlja.
- (2) Poslovi na kojima se javljaju profesionalne bolesti smatraju se poslovi gdje su radnici izloženi kemijskim, fizičkim i biološkim profesionalnim štetnostima i naprezanjima